

# „DŪMOJĒMS SENA ŽEMAITĒ ONT KALNA BĒROTAS”

Nu sena Palonguos krašta, vo kartās ēr vēsuos Žemaitējis himno īr laikuoma dainie, katra dainiujema valog Valiūna Silvestra žuodius. Ta daina geriau žēnuoma pavadēnēmo „Ont mariu krašta, Palonguos miestelie”. Tēkrāsis anuos pavadēnēms – „Dūmojēms sena žemaitē ont kalna Bērotas”. Ta dainie īr dainiujēma vēsuokiūom meluodējuom. Vēinē pritaika lēnkēškās gēismies aple Švēnčiausiuojē Mergelē Marijē meluodēje, kētē – liaudēškās dainuos natas. Patemē Palonguos kraštē tū meluodēju īr benē kelēs. Šin karta leidēnie pateikam palongēškās daininkēs Daugintātēs Uonus varianta.

Nuotraukoje – W. Siendzinskio piešins „Pirmas Kēstučio susitikimas su Birute”



## ONT MARIU KRAŠTA

Literatūrēnē daina (rašība žemaitēška)

*Ramē, nešaukont*



1. Ont mariu krašta,  
Palonguos miesteliej,  
Kor gīven mūsa  
Bruolē žemaitelē.

2. Īr aukštas kalnas,  
Biruta vadintas,  
Žaliuom pušeliem  
Vēršus apsuodintas.

3. Tēn, toj laimingoj  
Žemēj buočiū mūsa,  
Artei sosiedu  
Koršiečiū ēr prūsu.

4. Viežlība, skaisti,  
Kap ruožē ēr rūta  
Kunigaikštienē  
Gīvena Biruta.

5. Nebuvo ana  
Kuokia karalaitē,  
Bet iš Palonguos  
Vargdienē mergaitē.

6. Brongiais žemčiūgais  
Īr auksa auskarais  
Ji nesipuošē  
Vaikščiūoti pamariais.

7. Ji sava darba  
Marškiniais dieviejē,  
Trumpa rainouta  
Sējuona toriejē.

8. Ont gelsvū kasū –  
Rūtu vainikelis,  
Ont balta kakla –  
Gintaru šniūrelis.

9. Kad vēina karta  
Bruolē sosētarē,  
Išejē onkstēi  
Žvejuotē i marē.

10. Sesou nešdama  
Pēitus lauknešellej,  
Sotēka švēisi  
Konēgaikšti keliej.

11. Jisai daugvalis  
Dēdis Keistis bova,  
Korsai Žemaičius  
Valdē ēr Lietuva.

12. Juojē tou kartu  
Kryžiuočiū naikintē,  
Korei nuoriejē  
Momis ēšgaišintē.

13. Ont šērva žērga  
Po meškuos kalpoku  
Su švēisiu ginklu,  
Su raga saidoku.

14. Auksēnēs kēlpas  
So pentiniais spardē,  
Vo žērgs padkavuoms  
Smēltiū žemē ardē.

15. Ēšvidēs tuokē  
Gražibē pas marēs,  
Jaunai Birutai  
Tuokiais žuodeis tarē:

16. – Kas to nors esi –  
Deivē ar mergaitē,  
Priimk tu mona ronka  
Ont šiuo kelē.

17. Kor gavau Tavē  
Pērma kart matītē,  
Lēipsiū čia rūmus  
Poikius pastatītē.

18. Kalnas aukra  
Pažēna Kēistuti,  
Nu tava varda  
Būs vadints Birutē.

19. Ta gērdiedama  
Mergelē gēdinga,  
Jauna Birutē,  
Skaistē, išmintinga.

20. Žemēn židraines  
Akeles nuleida,  
Ātsidūksiejē  
Ēr poulē ont veida.

21. – Tegul būs valia  
Tuokē tava puonē,  
Tē ēsēpēlda  
Šērdinga maluonē.

22. Bērutē bova  
Nu vīra mīlieta,  
Pagimdē sūnu  
Vītauta ont svieta.

*Padainiava Daugintātē Uona, katra bova gēmusi 1897m. Kretinguos rajuona Vaineikiu kaimē. Teksta iššifrava Baniulaitītē Zita, meluodējē – Sungailienē Loreta 2006 m. iš folkluora ansamblē „Mēguva” ĩraša.*